

# AR SPILLEEN

## I

Ia ! gant eul loummad guin guen  
 Betec anter va gueren  
 Var beg eur spinnen e rafen  
 Eur zôn keit hag eur goalen.  
 Setu va loummad guin evet :  
 Setu va zôn commanset.

## II

Pourmenit dre an oll broiou,  
 E peb leac'h e zeuz spillou :  
 Spillou aour, spillou arc'hant,  
 Spillou aliez livet-koant ;  
 Ha spillou bras ha spillou cren  
 Spillou du, spillou melen.

## III

E peb stad hag e peb amzer  
 Ar spillou zo necesser :  
 D'ar varkizez, d'ar Rouanez  
 Ha d'ar baour-kez artizanez  
 En noz kercoulz hag en deiz,  
 Er gozni, er iaouankiz.

## IV

Pa za Jannet d'ar pardoniu  
 Ractal e clask he spillou,  
 En he c'hoef e laca peder  
 Ha teir en he mouchouer ;  
 En he berniden e laca  
 Spillou, spillou eb kounta.

## V

Deac'h e velen eur bugel  
 O clask dibri bigerniel :  
 « Del, paotric, kemer eur spinnen  
 Ha goudeze gra evelhen.  
 — Olla ! eme ar paotr laouen,  
 Bevet begin ar spinnen !

Ma chom gant an dud avechou  
 Ho buez hag ho madou,  
 A gement-se int dleourien  
 Aliez da veg eur spinnen.  
 Ha setu ama eur breuven :  
 Bevet begin ar spinnen !

## VI

'Kreis an noz attaket, an den  
 A gemer eur bistolen.  
 Chatt ! Stanket eo toul an oalet !  
 E distanka eta 'zo ret !  
 Petra a lamo he anken  
 Nemet begin ar spinnen ?

## VII

Eur c'harrer a raio eur c'har  
 Hag eur c'halvez eun alar :  
 Maes evit ober eur spinnen  
 E zeo ret kavout pevar den !  
 Meur a hini a zebz bara  
 Ha ne oar ket an-dra-ma.

## IX

Unan a daill troad ar spinnen  
 Eun all a eün he guimpen  
 Gant eul letoun en dro d'he fen  
 Eun all a ra he c'hurunen  
 Eun all gant he vean-higolen  
 A lemm begin ar spinnen.